

四庫全書

子部

欽定四庫全書

御纂醫宗金鑑卷八十二

編輯刺灸心法要訣目錄

手少陰心藏圖

心藏經文

心經循行圖

心經循行經文

心經循行歌

心經穴圖

心經穴歌

心經分寸歌

手太陽小腸府歌

小腸經文

小腸經循行圖

小腸經循行經文

小腸經循行歌

小腸經穴圖

小腸經穴歌

小腸經分寸歌

足太陽膀胱府圖

膀胱經文

膀胱經循行圖

膀胱經循行經文

膀胱經循行歌

膀胱經穴圖

膀胱經歌

膀胱經分寸歌

手厥陰心包絡府圖

心包絡解

心包絡經循行圖

心包絡經循行經文

心包絡經循行歌

心包絡經穴圖

心包絡經穴歌

心包絡經分寸歌


御纂醫宗金鑑卷八十二目錄

欽定四庫全書

御纂醫宗金鑑卷八十二

編輯刺灸心法要訣

少陰心臟圖



心藏經文

經云心者君主之官神明出焉○又云心居肺管之下
膈膜之上附着脊之第五椎其合脈也其榮色也開竅
於耳又曰開竅於舌○又云是經少血少氣

難經曰心重十二兩中有七孔三毛盛精汁三合主藏
神

張介賓曰心象尖圓形如蓮蕊其中有竅多寡不同以
導引天真之氣下無透竅上通乎舌共有四系以通四

藏心外有赤黃脂裹是為心包絡心下有膈膜與脊脇
周迴相着遮蔽濁氣使不得上熏心肺所謂膻中也



--	--	--	--	--	--	--	--	--

心經循行圖



心經循行經文

心手少陰之脈起於心中出屬心系下膈絡小腸其支者從心系上俠咽繫目系其直者復從心系却上肺下出腋下循臑內後廉行手太陰肺心主之後下肘內循臂內後廉抵掌後銳骨之端入掌內後廉循小指之內出其端

心經循行歌

手少陰脈起心中下膈直與小腸通支者還從肺系走

直上喉嚨繫目瞳直者上肺出腋下臑後肘內少海從
臂內後廉抵掌中銳骨之端注少衝

註

手少陰心經之脈起於心中出屬心系由心系下
膈絡小腸其經之支者從心系上行俠咽繫目之
系其經之直者復從心系退上通肺行手太陰肺
心主之後下出行腋下極泉穴也從極泉穴循臑
內後廉青靈穴也從青靈穴下肘內循臂內後廉
少海穴也從少海穴抵掌後銳骨之端靈道通里

陰郄神門等穴也從神門穴入掌內後廉少府穴也從少府穴循小指之內出其端少衝穴而終以交於手太陽小腸經也

心經穴圖



心經穴歌

手少陰心起極泉青靈少海靈道全通里陰郄神門下
少府少衝小指邊

心經分寸歌

少陰心起極泉中腋下筋間動引胸青靈肘上三寸取
少海肘後端五分靈道掌後一寸半通里腕後一寸同
陰郄腕後內半寸神門掌後銳骨隆少府小指本節末
小指內側取少衝


註

極泉穴在腋下臂內筋間動脈引胸中是其穴也
○從極泉下行至肘在肘上三寸伸肘舉臂取之
青靈穴也○從青靈下行肘內廉節後大骨外上
去肘端五分肘內橫紋頭屈肘向頭取之少海穴
也○從少海下行掌後一寸五分靈道穴也○從
靈道下行五分循腕側外腕後一寸陷中通里穴
也○從通里內行五分掌後脈中腕後五分陰郄
穴也○從陰郄行掌後銳骨端陷中神門穴也○

從神門行手小指本節末外側骨縫陷中少府穴也○從少府行小指內中行去爪甲角如韭葉少衝穴也

手太陽小腸府圖

小腸上口即胃之下口




小腸下口即腸口
腸口名上門

小腸經文

經云小腸者受盛之官化物出焉又云小腸後附於脊
前附於臍上左迴疊積十六曲大二寸半徑八分分之
少半長三丈二尺受穀二斗四升水六升三合合之大
半又云小腸上口在臍上二寸近脊水穀由此而入復
下一寸外附於臍為水分穴當小腸下口至是而泌別
清濁水液滲入膀胱滓穢流入大腸又云是經多血少
氣

難經曰小腸重二觔十四兩

小腸循行圖



小腸經循行經文

小腸手太陽之脈起於小指之端循手外側上腕出踝中直上循臂骨下廉出肘內側兩骨之間上循臑外後廉出肩解繞肩胛交肩上入缺盆絡心循咽下膈抵胃屬小腸其支者從缺盆循頸上頰至目銳眥却入耳中其支者別頰上頰抵鼻至目內眥斜絡於顴

小腸經循行歌

手太陽經小腸脈小指之端起少澤循手外側出踝中


循臂骨出肘內側上循臑外出後廉直過肩解繞肩胛
交肩下入缺盆內向腋絡心循咽嗑下膈抵胃屬小腸
一支缺盆貫頸頰至目銳眥却入耳復從耳前仍上頰
抵鼻升至目內眥斜絡於顴別絡接

註

手太陽小腸之脈從小指內側少陰之脈少衝穴
循小指之端少澤穴起循手外側前谷後谿穴從
後谿上腕至腕骨穴從腕骨出踝中入陽谷養老
穴也從養老直上循臂骨下廉支正穴也從支正

出肘內側兩筋間小海穴也從小海上循臑外後
廉出肩解肩貞穴繞肩胛臑俞穴上肩天宗穴也
從天宗循行秉風曲垣等穴從肩中俞入缺盆穴
散而內行絡心循咽下膈抵胃屬小腸之分其支
者從缺盆循頸入天窗天容穴上頰顴髎穴至目
銳眥却入耳中聚於聽宮穴也其別支從頰上頰
抵鼻至目內眥以交於足太陽經

小腸經穴圖



小腸經穴歌

手太陽經小腸穴少澤先於小指設前谷後谿腕骨間
陽谷須同養老列支正小海上肩貞臑俞天宗秉風合
曲垣肩外復肩中天窻循次上天容此經穴數一十九
還有顴髎入聽宮

小腸經分寸歌

小指端外為少澤前谷本節前外側節後橫紋取後谿
腕骨腕前骨陷側陽谷銳骨下陷肘腕上一寸名養老

支正外側上四寸小海肘端五分好肩貞肩端後陷中

臑俞肩臑骨陷考

肩臑骨陷者下胛骨上舉臂陷中取之也

天宗肩骨下陷

中秉風肩小髑空

肩小髑骨後舉肩有空

曲垣肩中曲髑陷外

俞上髑一寸從

即外肩俞肩髑上廉去脊三寸

中俞大椎二寸旁天窗

曲頰動陷詳天容耳下曲頰後顴膠面頰銳骨量

面頰骨下

廉銳骨端陷中

聽宮耳中珠子上

耳中珠子大如赤小豆

此為小腸手太

陽

註

少澤穴在手小指外側端去爪甲角一分陷中是

其穴也○從少澤上行手小指外側本節前陷中
前谷穴也○從前谷上行手小指本節後外側橫
紋尖上陷中仰手握拳取之後谿穴也○從後谿
上行手掌外側腕前起骨下罅縫陷中腕骨穴也
○從腕骨上行手掌外側腕下銳骨下一空腕後一寸
穴也○從陽谷上行手下銳骨上一空腕後一寸
許陷中養老穴也○從養老上行外廉四寸支正
穴也○從支正上行肘外大骨外去肘端五分陷

中屈手向頭取之小海穴也○從小海上行肩曲
髀骨下大骨傍兩骨解間肩端後陷中肩貞穴也
○從肩貞上行肩端臑上肩骨下髀骨上廉陷中
舉臂取之臑俞穴也○從臑俞上行肩骨下陷中
天宗穴也○從天宗上行肩小髃骨舉臂有空
秉風穴也○從秉風上行肩中央曲髀陷中按之
應手痛曲垣穴也○從曲垣上行肩髀上廉去脊
傍開三寸陷中肩外俞穴也○從肩外俞上行肩

髀內廉去脊督岷之大椎穴傍開二寸陷中肩中
俞穴也○從肩中俞上行頸大筋前曲頰下動岷
應手陷中天窻穴也○從天窻上行耳下曲頰後
天容穴也○從天容上行面頰骨下廉銳骨端陷
中顙髎穴也○從顙髎上行耳中之珠聽宮穴也

足太陽膀胱府圖



下聯前陰
溺之所出

膀胱經文

經云膀胱者州都之官津液藏焉氣化則能出矣又云膀胱當十九椎居腎之下大腸之前有下口無上口當臍上一寸水分穴處為小腸下口乃膀胱上際水液由此別迴腸隨氣泌滲而入其出入皆由氣化入氣不化則水歸大腸而為泄瀉出氣不化則閉塞下竅而為癰腫也是經多血少氣

難經曰膀胱重九兩二銖縱廣九寸盛溺九升九合口

廣二寸半

膀胱經循行圖



此係膀胱俞穴因其正經必由腰中而入自
內而連絡腎與膀胱故與經交頤側實則
兩腎在腰以上而膀胱又居於小腹之前也

足經圖

御纂醫宗金鑑

十六

膀胱循行經文

膀胱足太陽之脉起於目內眥上額交顛其直者從顛入絡腦還出別下項循肩髃內挾脊抵腰中入循膂絡腎屬膀胱其直者從腰中下挾脊貫臀入膕中其支者從髀內左右別下貫膕內出外踝之後循京骨至小指外下合膕中以下貫膕內出外踝之後循京骨至小指外側

膀胱經循行歌

足太陽經膀胱腧目內眥上起額尖支者顛上至耳角
直者從顛腦後懸絡腦還出別下項仍循肩膊俠脊邊
抵腰脊腎膀胱內一支下與後陰連貫臀斜入委中穴
一支膊內左右別貫胛俠脊過髀樞臂內後廉臑中合
下貫臑內外踝後京骨骨下指外側


註

足太陽之腧起目內眥睛明穴從睛明循行攢竹
曲差五處上額交顛入承光穴從承光循行通天
穴其支者從顛至耳上角交於足少陽之經其直

者從通天入絡於大杼穴從大杼循行肩髃內風
門穴從風門循行肺俞穴挾脊抵腰中厥陰俞穴
從厥陰俞穴循行心俞萬俞肝俞膽俞脾俞胃俞
三焦俞入循膂絡腎從腎俞穴循行氣海俞從腰
中下挾脊大腸俞穴從大腸俞循行關元俞膀胱
俞中膂俞白環俞等穴別行上髎次髎中髎下髎
等穴其支者又復上肩膊內從附分穴循行貫胛
魄戶穴從魄戶循行挾脊內膏肓神堂譙譙萬關

魂門陽綱意舍胃倉育門志室胞肓等穴過髀樞
秩邊穴從秩邊穴循髀外從後廉承扶浮陽委陽
穴下合膈中委中穴從委中循行合陽穴從合陽
下貫腓內承筋穴從承筋循行承山飛陽附陽等
穴從附陽穴循行出外踝之後崑崙穴從崑崙穴
循行僕參申脈金門等穴循京骨即本經之京骨
穴也從京骨循行束骨通谷穴至小指外側至陰
穴而終以交于足之少陰經也

膀胱經穴圖



甲辰年五月廿六日全監

十九

膀胱經穴歌

足太陽經六十三
睛明攢竹曲差參
五處承光接通天
絡却玉枕天柱邊
大杼風門引肺俞
厥陰心膈肝膽居
脾胃三焦腎俞次
大腸小腸膀胱如
中膂白環皆二行
去脊中間二寸許
上髎次髎中後下
會陽湏下尻旁取
還有附分在三行
二椎三寸半相當
魄戶膏肓與神堂
諷謔膈關魂門旁
陽綱意舍及胃倉
育門志室連胞肓
秩邊承扶殷門穴
浮郄相鄰是委陽
委中再下合陽去

承筋承山相次長飛陽附陽達崑崙僕參申岷過金門
京骨束骨近通谷小指外側尋至陰

膀胱經分寸歌

足太陽兮膀胱經目內眥角始睛明眉頭陷中攢竹取
曲差神庭傍寸五五處直行後五分承通絡却玉枕穴
後循俱是寸五行天柱項後髮際內大筋外廉之陷中
自此脊中開二寸第一大杼二風門三椎肺俞厥陰四
心五督六膈七論肝九膽十脾十一胃俞十二椎下尋

十三三焦十四腎氣海俞在十五椎大腸十六小十八
膀胱俞穴十九椎中膂內俞二十下白環俞穴廿一椎
小腸俞至白環內腰空上次中下髖會陽陰微尻骨旁
背開二寸二行了別從脊中三寸半第二椎下為附分
三椎魄戶四膏肓第五椎下神堂尊第六噫嘻膈關七
第九魂門陽綱十十一意舍之穴存十二胃倉穴已分
十三育門端正在十四志室不須論十九胞肓廿秩邊
背部三行下行循承扶臀下股上約下行六寸是殷門

從殷外斜上一寸曲膝得之浮郤尋委陽承扶下六寸
從郤內斜並殷門委中膝膕約紋裏此下三寸尋合陽
承筋脚跟上七寸穴在臑腸之中央承山腿肚分肉間
外踝七寸上飛陽附陽外踝上三寸崑崙外跟陷中央
僕參亦在踝骨下申脈踝下五分張金門申脈下一寸
京骨外側大骨當束骨本節後陷中通谷節前限中量
至陰小指外側端去爪甲之韭葉方

註
睛明穴在目內眥外一分宛宛中是其穴也○從

睛明上行眉頭陷者中攢竹穴也○從攢竹上行髮際間俠督脈之神庭穴傍開一寸五分正頭取之曲差穴也○從曲差後行五分俠督脈之上星傍開一寸五分五處穴也○從五處後行一寸五分承光穴也○從承光後行一寸五分俠督脈之百會穴傍開一寸五分通天穴也○從通天後行一寸五分絡却穴也○從絡却後行一寸五分玉枕穴也○從玉枕俠項後大筋外廉下行髮際陷

中天柱穴也○從天柱下行以項後第一椎下兩旁相去脊中各二寸陷中正坐取之大杼穴也○從大杼下行二椎下兩旁各去脊中二寸正坐取之風門穴也○從風門行三椎下去脊中各二寸又以手搭背左取右右取左當中指末是穴之處正坐取之肺俞穴也○從肺俞行四椎下去脊中二寸正坐取之厥陰俞穴也○從厥陰俞行五椎下去脊中二寸正坐取之心俞穴也○從心俞行

六椎下去脊中二寸正坐取之督俞穴也○從督
俞行七椎下去脊中二寸正坐取之膈俞穴也○
從膈俞行九椎下去脊中二寸正坐取之膽俞穴
也○從膽俞行十一椎下去脊中二寸正坐取之
脾俞穴也○從脾俞行十二椎下去脊中二寸正
坐取之胃俞穴也○從胃俞行十三椎下去脊中
二寸正坐取之三焦俞穴也○從三焦俞行十四
椎下與臍平去脊中二寸正坐取之腎俞穴也○

從腎俞行十五椎下去脊中二寸正坐取之氣海
俞穴也○從氣海俞行十六椎下去脊中二寸伏
而取之大腸俞穴也○從大腸俞行十七椎下去
脊中二寸伏而取之關元俞穴也○從關元俞行
十八椎下去脊中二寸伏而取之小腸俞穴也○
從小腸俞行十九椎下去脊中二寸伏而取之膀
胱俞穴也○從膀胱俞行二十椎下去脊中二寸
俠脊腫起肉間伏而取之中膂俞穴也○從中膂

俞行二十椎下去脊中二寸伏而取之白環俞穴也○從白環俞行腰髀骨下一寸俠脊兩旁第一空陷中上髆穴也○從上髆行俠脊旁第二空陷中次髆穴也○從次髆行俠脊旁第三空陷中中髆穴也○從中髆行俠脊旁第四空陷中下髆穴也○從下髆行陰尻骨兩旁五分許會陽穴也○自大杼別岷其支者從肩膊內循行第二椎下附項內廉兩傍相去脊中各三寸半正坐取之附

分穴也○從附分下行第三椎下去脊中各三寸
半正坐取之魄戶穴也○從魄戶下行第四椎下
五椎上此穴居中去脊中各三寸半正坐曲脊取
之膏肓穴也如取其穴先令病人正坐曲脊伸兩
手以臂著膝前令正直手大指與膝頭齊以物支
肘勿令臂動乃從胛骨上角摸索至胛骨下頭其
間當有四肋三間依胛骨之際相去骨際如容側
指許按其中一間空處自覺牽引肩是其穴也○

從膏肓下行第五椎下去脊中各三寸半陷中正坐取之神堂穴也○從神堂下行第六椎下去脊中各三寸半正坐取之譙譙穴也以手重按病人呼譙譙是其穴處蓋因其痛也○從譙譙下行第七椎下去脊中各三寸半陷中正坐開肩取之膈關穴也○從膈關下行第九椎下相去脊中各三寸半陷中正坐取之魂門穴也○從魂門下行第十椎下去脊中三寸半陷中正坐取之陽綱穴也

○從陽綱下行第十一椎下去脊中三寸半正坐取之意舍穴也○從意舍下行第十椎下去脊中各三寸半正坐取之胃倉穴也○從胃倉下行第十三椎下去脊中各三寸半正坐取之育門穴也○從育門下行第十四椎下去脊中各三寸半陷中正坐取之志室穴也○從志室下行第十九椎下去脊中各三寸半伏而取之胞肓穴也○從胞肓下行第二十一椎下去脊中各三寸半陷中伏

而取之秩邊穴也○從秩邊下行在尻臀下陰股
上約紋中承扶穴也○從殷門外循斜上一寸屈
膝得之浮郤穴也故在委陽穴上一寸也○從浮
郤下行仍在承扶穴下六寸屈伸取之委陽穴也
而與會陽下合膈中也○從委陽下行膈中央約
紋動胝陷中令人仰頰至地伏臥取之委中穴也
○從委中下行膝膈約紋下三寸合陽穴也○從
合陽下行腓腸中央陷中脚跟上七寸承筋穴也

○從承筋下行腿肚下尖分肉間陷中承山穴也
○從承山斜行足外踝後上七寸陷中飛陽穴也
○從飛陽下行足外踝上三寸筋骨之間附陽穴也
○從附陽下行足外踝後五分跟骨上陷中細動
應手崑崙穴也○從崑崙下行足跟骨下陷中拱足取之
僕參穴也○從僕參行足外踝下五分陷中容爪甲許
白肉際申脈穴也○從申脈下行一寸金門穴也○從
金門行足外側大骨下赤

白肉際陷中京骨穴也按而得之小指本節後大
骨名京骨其穴在骨下○從京骨行足小指外側
本節後陷中赤白肉際束骨穴也○從束骨行足
小指外側本節前陷中通谷穴也○從通谷行足
小指外側去爪甲角如韭葉至陰穴也

手厥陰心包絡圖




心包絡解

張介賓曰心包一藏難經言其無形滑壽曰心包一名
手心主以藏象校之在心下橫膜之上豎膜之下其與
橫膜相粘而黃脂裹者心也脂膜之外有細筋膜如絲
與心肺相連者心包也此說為是凡言無形者非○靈
蘭秘典論有十二官獨少心包一官而有膻中者臣使
之官喜樂出焉二句今考心包藏居膈上經始胸中正
值膻中之所位居相火代君行事實臣使也此一官即

此經之謂歟

心包絡經循行圖



心包絡循行經文

手厥陰心主包絡之脈起於胸中出屬心包絡下膈歷絡三焦其支者循胸中出脅下腋三寸上抵腋下循臑內行太陰少陰之間入肘中下臂行兩筋之間入掌中循中指出其端其支者別掌中循小指次指出其端

心包絡經循行歌

手厥陰心主起胸屬包下膈三焦宮支者循胸出脇下脇下連腋三寸同仍上抵腋循臑內太陰少陰兩經中

指透中衝支者別小指次指絡相通

註

手厥陰心包絡之脈起於胸中出而外行天池穴屬心包絡之經也內行下膈歷絡三焦者散布於腹之上中下也其支者循胸中出腋下三寸即天池穴處也從天池循臑內至天泉從天泉穴行手太陰手少陰兩脈之間入肘內曲澤穴下臂行兩筋之間郄門間使內關大陵四穴入掌中勞宮穴從勞宮循中指出其端中衝穴也其本支之別支

別行掌中循小指次指之端以交於手少陽三焦
經也

心包絡經穴圖



心包絡經穴歌

心包九穴天池近天泉曲澤郄門認間使內關踰大陵
勞宮中衝中指盡


心包絡經分寸歌

心絡起自天池間乳後傍一腋下三天泉繞腋下二寸
曲澤屈肘陷中郄郄門去腕後五寸間使腕後三寸然
內關去腕後二寸大陵掌後橫紋間勞宮屈拳名指取
中指之末中衝端

註

天池穴在乳傍一二寸許直腋下行三寸脇之掇起肋骨間是其穴也○從天池穴斜上繞腋循臂內廉下行二寸舉臂取之天泉穴也○從天泉穴下行肘內廉大筋內側橫紋頭下陷中動脈曲澤穴也○從曲澤穴下行掌後去腕五寸郄門穴也○從郄門穴下行掌後去腕三寸兩筋間陷中間使穴也○從間使穴下行掌後去腕二寸兩筋間內關穴也○從內關穴下行掌後骨下橫紋中兩

筋間陷中大陵穴也○從大陵穴下行掌中央動
脈屈無名指取之勞宮穴也○從勞宮穴下行手
中指之端去爪甲角如韭葉許陷中中衝穴也



御纂醫宗金鑑卷八十二

欽定四庫全書

子部

御纂醫宗金鑑卷八十三

詳校官大醫院醫士臣程恭

編修臣倉聖脈覆勘

總校官中書臣朱鈐

校對官主事臣張培

謄錄監生臣阮鍾璟

繪圖監生臣戴禹汲

欽定四庫全書

御纂醫宗金鑑卷八十三

編輯刺灸心法要訣目錄

足少陰腎藏圖

腎藏經文

腎經循行圖

腎經循行經文

腎經循行歌

腎經穴圖

腎經穴歌

腎經分寸歌

手少陽三焦府圖

三焦經文

三焦經循行圖

三焦經循行經文

三焦經循行歌

三焦經穴圖

三焦經穴歌

三焦經分寸歌

足少陽膽府圖

膽府經文

膽經循行圖

膽經循行經文

膽經循行歌

膽經穴圖

膽經穴歌

膽經分寸歌

足厥陰肝藏圖

肝藏經文

肝經循行圖

肝經循行經文

肝經循行歌

肝經穴圖

肝經穴歌

肝經分寸歌


御纂醫宗金鑑卷八十三目錄

欽定四庫全書

御纂醫宗金鑑卷八十三

編輯刺灸心法要訣

足少陰腎藏圖



腎藏經文

經云腎者作強之官伎巧出焉又云腎附於脊之十四椎下是經常少血多氣其合骨也其榮髮也開竅於二陰

難經曰腎有兩枚重一觔二兩主藏精與志

中藏經曰腎者精神之舍性命之根

張介賓云腎有兩枚形如豇豆相並而曲附於脊之兩旁相去各一寸五分外有黃脂包裹各有帶二條上條

繫於心下條趨脊下大骨在脊骨之端如半手許中有
兩穴是腎帶經過處上行脊髓至腦中連於髓海

腎經循行圖



腎經循行經文

腎足少陰之脈起於小指之下斜趨足心之湧泉穴出於然谷之下循內踝之後別入跟中以上膈內出膈內廉上股內後廉貫脊屬腎絡膀胱其直者從腎上貫肝膈入肺中循喉嚨俠舌本其支者從肺出絡心注胸中

腎經循行歌

足腎經脈屬少陰小指斜趨湧泉心然骨之下內踝後別入跟中膈內侵出膈內廉上股內貫脊屬腎膀胱臨

直者屬腎貫肝膈入肺循喉舌本尋支者從肺絡心內
仍至胸中部分深

註

足少陰腎經之脈起至足太陽小指之下至陰穴
斜趨足心湧泉穴出然谷穴之下循內踝後太谿
穴從太谿別入跟中大鍾穴從大鍾循行水泉照
海復溜交信穴上腓內築賓穴也從築賓出膕內
廉陰谷穴從陰谷上股內後廉橫骨穴從橫骨內
貫行脊屬腎絡膀胱也其直者從腎外行大赫氣

穴四滿中注盲俞商曲石閔陰都通谷等穴入內
貫肝與膈外循幽門步廊神封靈墟神藏或中俞
府等穴入肺中循喉嚨俠舌本而終其支者從肺
出絡心注胸中以交於手厥陰經也

腎經穴圖



腎經穴歌

足少陰腎二十七湧泉然谷照海出太谿水泉連大鍾
復溜交信築賓立陰谷橫骨趨大赫氣穴四滿中注得
盲俞商曲石關蹲陰都通谷幽門值步廊神封出靈墟
神藏或中俞府畢

腎經分寸歌

足掌心中是湧泉然谷內踝一寸前太谿踝後跟骨上
大鍾跟後踵中邊水泉谿下一寸覓照海踝下四分真

復溜踝後上二寸交信後上二寸聯二穴只隔筋前後

大陰之後少陰前

前傍骨是復溜後傍骨是交信二穴只隔一條筋

築賓內踝

上腓分陰谷膝下曲膝間橫骨大赫並氣穴四滿中注亦相連五穴上行皆一寸中行旁開五分邊盲俞上行亦一寸但在臍旁半寸間商曲石關陰都穴通谷幽門五穴聯五穴上下一寸取各開中行五分前步廊神封靈墟穴神藏或中俞府安上行寸六旁二寸俞府璇璣

二寸觀

註

湧泉穴在足心陷中伸腿屈足卷指宛宛中是其穴也○從湧泉上行足內踝前起大骨下陷中然谷穴也○從然谷行足內踝後五分跟骨上動脈陷中太谿穴也○從太谿行足跟後跟中大骨上兩筋間大鍾穴也○從大鍾行太谿下一寸內踝下水泉穴也○從水泉行足內踝下四分前後有筋上有踝骨下有輦骨之中陷中照海穴也○從照海行足內踝後除踝上二寸許前傍骨陷中復

溜穴也○從復溜斜外上行復溜穴之後二寸許
後傍筋交信穴也○從交信斜外上行過三陰交
穴上腓分中築賓穴也腓者俗名腿肚也○從築
賓上行膝下內輔骨後大筋下小筋上按之應手
屈膝得之陰谷穴也○從陰谷上行入腹陰上橫
骨中宛曲如仰月中央去任脈之中行旁開五分
橫骨穴也○從橫骨上行一寸大赫穴也亦去中
行旁開五分○從大赫上行一寸氣穴也亦去

中行旁開五分○從氣穴穴上行一寸四滿穴也
亦去中行旁開五分○從四滿上行一寸中注穴
也亦去中行旁開五分○從中注上行一寸盲俞
穴也直臍旁去臍中五分○從盲俞上行二寸商
曲穴也亦去中行旁開五分○從商曲上行一寸
石關穴也亦去中行旁開五分○從石關上行一
寸陰都穴也亦去中行旁開五分○從陰都上行
一寸陷中通谷穴也亦去中行旁開五分○從通

谷上行一寸陷中幽門穴也亦去中行旁開五分
○從幽門上行一寸六分陷中去中行旁開二寸
仰而取之步廊穴也○從步廊上行一寸六分亦
去中行旁開二寸仰而取之神封穴也○從神封
上行一寸六分亦去中行旁開二寸陷中仰而取
之靈墟穴也○從靈墟上行一寸六分亦去中行
旁開二寸尸中仰而取之神藏穴也○從神藏上
行一寸六分亦去中行旁開二寸陷中仰而取之

或中穴也○從或中上行巨骨下俠任脈之璇璣
中行旁開二寸陷中仰而取之是其穴也

手少陽三焦府圖




三焦經文

經云上焦如霧中焦如漚下焦如瀆又云三焦者決瀆之官水道出焉又云是經少血多氣

中藏經云三焦者人之三元之氣也號曰中清之府總領五藏六府榮衛經絡內外左右上下之氣也三焦通則內外左右上下皆通也其於周身灌體和內調外榮左養右導上宣下莫大於此也

三焦經循行圖



三焦經循行經文

三焦手表腕出臂外兩骨之間上貫肘循臑外上肩而交
循手表腕出臂外兩骨之間上貫肘循臑外上肩而交
出足少陽之後入缺盆布臆中散絡心包下膈循屬三
焦其支者從臆中上出缺盆上項俠耳後直上出耳上
角以屈下頰至頤其支者從耳後入耳中出走耳前過
客主人前交頰至目銳眥

三焦經循行歌


手經少陽三焦脈起自小指次指端兩指歧骨手腕表
上出臂外兩骨間肘後臑外循肩上少陽之後交別傳
下入缺盆臆中分散絡心包膈裏穿支者臆中缺盆上
上項耳後耳角旋屈下至頤仍注頰一支出耳入耳前
却從上關交曲頰至目銳眥乃盡焉

註
手少陽三焦之脈起於手小指次指外側之端關
衝穴從關衝上出兩指之間液門中渚穴循手腕
表陽池穴也從陽池出臂外兩骨之間外關支溝

會宗三陽絡四瀆天井等穴上貫肘清冷淵穴也
從清冷淵穴循臂臑外上肩循消灤臑會肩髃天
髃穴從天髃穴而交出足少陽經之後入缺盆布
臑中散絡心包下膈內而循行之分皆屬三焦經
也其支者從臑中上外出缺盆上項天牖穴從天
牖穴循繫耳後鬢風瘻脈顱息穴從顱息直上出
耳上角角孫穴絲竹空穴也由角孫絲竹空穴繞
耳以屈下至頤和髃耳門穴也其本支之別支者

從耳後出走耳前過足少陽經客主人穴之前交
頰至目銳之外眥以交於足少陽膽經也

三焦經穴圖



三焦經穴歌

手少三焦所從經二十二穴起關衝液門中渚陽池歷
外關支溝會宗逢三陽絡入四瀆內注於天井清冷中
消灤臑會肩髃穴天髃天牖經翳風瘰肭息角耳門
和髃上行絲竹空

三焦經分寸歌

無名外側端關衝液門小次指陷中中渚液門上一寸
陽池腕前表陷中外關腕後二寸陷關上一寸支溝名

外關一寸會宗平斜上一寸三陽絡肘前五寸四瀆稱
天井肘外大骨後肘上一寸骨罅中井上一寸清冷淵
消灤臂肘分肉端臑會肩端前二寸肩髃臑上陷中看
天髃肩井後一寸天牖耳下一寸間翳風耳後尖角陷
瘖齬耳後青齬看顙息青絡齬之上角孫耳上髮下間
耳門耳前缺處陷和髃橫動齬耳前欲覓絲竹空何在
眉後陷中仔細觀

註 關衝穴在手四指外側端去爪甲角如韭葉許是


其穴也○從關衝上行手小指次指歧骨間陷中
握拳取之液門穴也○從液門上行一寸陷中中
渚穴也○從中渚由四指本節直上行手表腕上
陷中陽池穴也○從陽池上行手腕後二寸兩骨
間陷中外關穴也○從外關上行一寸兩骨間陷
中支溝穴也○從支溝外開一寸會宗穴也以支
溝會宗二穴相並平直空中相離一寸也○從會
宗內斜上行一寸臂上大交脈三陽絡穴也○從

三陽絡上行肘前五寸外廉陷中四瀆穴也○從
四瀆斜外上行肘外大骨尖後肘上一寸兩筋叉
骨罅中屈肘拱胸取之天井穴也○從天井上行
一寸伸肘舉臂取之清冷淵穴也○從清冷淵上
行肩下臂外肘上分肉間消灤穴也○從消灤上
行臑外去肩端三寸宛宛中臑會穴也○從臑會
上行肩端臑上陷中斜舉臂取之肩髃穴也○從
肩髃上行肩缺盆中直是少陽經之肩井穴後一

寸天膠穴也○從天膠上行頸大筋外缺盆上手
太陽經天容穴後足太陽經天柱穴前足少陽膽
經完骨穴下髮際中上斜俠耳後一寸天牖穴也
○從天牖上行耳後尖角陷中按之引耳中痛翳
風穴也○從翳風上行耳後中間雞足青絡脈中
瘈脈穴也○從瘈脈行耳後上間青絡脈中顛息
穴也○從顛息上行耳上上間髮際下開口有空
角孫穴也○從角孫繞行耳前起肉當耳缺處陷

中耳門穴也○從耳門行耳前兌髮下橫動脈中
和髎穴也兌髮下即鬢角也○從和髎上行眉後
陷中絲竹空穴也

足少陽膽府圖




膽府經文

經云膽者中正之官決斷出焉又云是經多血少氣○
又曰凡十一藏皆取決於膽也

難經曰膽在肝之短葉間重三兩三銖長三寸盛精汁
三合

中藏經曰膽者清淨之府號曰將軍主藏而不瀉

膽經循行圖



膽經循行經文

膽足少陽之脈起於目銳眥上抵頭角下耳後循頸行
手少陽之前至肩上却交出手少陽之後入缺盆其支
者從耳後入耳中出走耳前至目銳眥後其支者別銳
眥下大迎合手少陽抵於頰下加頰車下頸合缺盆以
下胸中貫膈絡肝屬膽循脅裏出氣街繞毛際橫入髀
厭中其直者從缺盆下腋循胸過季脅下合髀厭中以
下循髀陽出膝外廉下外輔骨之前直下抵絕骨之端

下出外踝之前循足跗上入小指次指之間其支者別
跗上入大指之間循大指岐骨內出其端還貫爪甲出
三毛

膽經循行歌

足齷少陽膽之經始從兩目銳眥生抵頭循角下耳後
腦空風池次第行手少陽前至肩上交少陽右上缺盆
支者耳後貫耳內出走耳前銳眥循一支銳眥大迎下
合手少陽抵項根下加頰車缺盆合入胸貫膈絡肝經

屬膽仍從脅裏過下入氣街毛際紫橫入髀厭環跳內
直者缺盆下腋膺過季脅下髀厭內出膝外廉是陽陵
外輔絕骨踝前過足跗小指次指分一支別從大指去
三毛之際接肝經

註 足少陽膽經之脈起於目之銳眥瞳子髎穴循聽
會客主人穴上抵頭角頷厭穴也逆頷厭循懸顱
懸釐曲髻率谷折而下行於耳後之天衝浮白竅
陰完骨等穴折外上行至眉頭之本神陽白臨泣


目窻正營承靈腦空等穴循頸至風池穴過手少陽經天牖穴之前至肩上本經之肩井穴從肩井穴却交出於手少陽之後入缺盆處也其支者從耳後入耳中出走耳前至目銳眥後此一小支之脈行於頭之無穴處也又其支者別銳眥下手陽明之大迎穴合手少陽抵於頤下加頰車下頸合缺盆穴以下入胸中貫膈絡肝屬膽循脅裏出氣街散布臧府外繞毛際橫入髀厭中環跳穴也其

支者從缺盆下腋淵液穴從淵液穴循胸輒筋穴也從輒筋日月穴過季脅至京門穴從京門循行帶脈五樞維道居髖下合髀厭中環跳穴也從環跳穴以下循髀陽風市穴從風市循行中瀆陽關出膝外廉陽陵泉穴也從陽陵泉穴循行陽交外邱光明等穴下外輔骨之前陽輔穴也從陽輔穴直下抵絕骨之端懸鍾穴從懸鍾下出外踝之前邱墟穴從邱墟穴循足跗上臨泣穴也從臨泣入

小指次指之間俠谿竅陰穴也其支者別跗上入
大指之間循大指岐骨內出其端還貫爪甲出三
毛以交於足厥陰肝經也

--	--	--	--	--	--	--	--

膽經穴圖



膽經穴歌

足少陽經童子髀四十三穴行迢迢聽會客主領厭集
懸顱懸釐曲髻翹率谷天衝浮白次竅陰完骨本神至
陽白臨泣開目窻正營承靈腦空是風池肩井淵液長
輒筋日月京門鄉帶坼五樞維道續居髀環跳市中瀆
陽關陽陵復陽交外丘光明陽輔高懸鍾丘墟足臨泣
地五俠谿竅陰畢

膽經分寸歌

足少陽兮四十三頭上廿穴分三折起自童子至風池
積數陳之依次第外皆五分童子髻耳前陷中尋聽會
上行一寸客主人內斜曲角上額厭後行顱中釐下穴
曲髻耳前上髮際率谷入髮寸半安天衝耳後斜二寸
浮白下行一寸間竅陰穴在枕骨下完骨耳後入髮際
量得四分須用記本神庭旁三寸入髮四分耳上係
陽白眉上一寸許上行五分是臨泣臨後寸半目窻穴
正營承靈及腦空後行相去一寸五風池耳後髮陷中

肩井肩上陷中取大骨之前寸半明淵液腋下行三寸
輒筋復前一寸行日月乳下二肋縫下行五分是穴名
臍上五分傍九五季肋俠脊是京門季下寸八尋帶岨
帶下三寸穴五樞維道章下五三定維下三寸居髎名
環跳髀樞宛中陷風市垂手中指終膝上五寸中瀆穴
膝上二寸陽關尋陽陵膝下一寸住陽交外踝上七寸
外邱外踝七寸同此係斜屬三陽分踝上五寸定光明
踝上四寸陽輔穴踝上三寸是懸鍾邱虛踝前陷中取

邱下三寸臨泣存臨下五分地五會會下一寸俠谿輪
欲覓竅陰穴何在小指次指外側尋

註

童子膠在目銳眥去眥五分是其穴也○從童子
膠下外斜行耳前起骨上面下一寸耳珠下動脈
宛宛中開口有空側臥張口取之聽會穴也○從
聽會上直行一寸開口有空側臥張口取之客主
人穴也○從客主人上內斜行兩太陽曲角上廉
頷厭穴也○從頷厭後行耳前曲角上兩太陽之

中懸顙穴也○從懸顙後行耳前曲角上兩大陽
下廉懸釐穴也○從懸釐後行耳前入髮際曲隅
陷中鼓頷有空曲髻穴也○從曲髻後行耳上入
髮際寸半陷者宛宛中嚼牙取之率谷穴也○從
率谷後行耳後三分許入髮際二寸天衝穴也○
從天衝下行耳後入髮際一寸浮白穴也○從浮
白下行耳後高上枕骨下搖動有空竅陰穴也○
從竅陰行耳後入髮際四分完骨穴也○從完骨

折上行神庭旁三寸直耳上入髮際四分本神穴也○從本神行眉上一寸直瞳子陽白穴也○從陽白上直行入髮際五分陷中正睛取之臨泣穴也○從臨泣後行一寸目窻穴也○從目窻後行一寸正營穴也○從正營後行一寸五分承靈穴也○從承靈後行一寸五分腦空穴也○從腦空下行耳後下髮際陷中大筋外廉按之引於耳中風池穴也○從風池下行肩上會其支者合缺盆

上大骨前一寸半以三指按取當中指下陷中肩井穴也○從肩井下行腋下三寸宛宛中舉臂取之淵液穴也○從淵液下行復前一寸三肋端橫直菽骨旁七寸五分半直兩乳側臥屈上足取之輒筋穴也○從輒筋行乳下二肋端縫下五分日月穴也○從日月行監骨腰中季肋本俠脊臍上五分旁開九寸半側卧屈上足伸下足舉臂取之京門穴也○從京門下行季脅下一寸八分陷中

臍上二分旁開八寸半帶脈穴也○從帶脈下三寸五樞穴也○從五樞下行過肝經之章門穴下五寸三分維道穴也○從維道下行三寸監骨上陷中居髖穴也○從居髖下行髀樞中側卧伸下足屈上足取之環跳穴也○從環跳下行膝上外廉兩筋中以手着腿中指盡處風市穴也○從風市下髀骨外膝上外廉五寸分肉間陷中中瀆穴也○從中瀆下行膝上二寸犢鼻外陷中陽關穴


也○從陽關下行膝下一寸外廉陷中尖骨前筋骨間蹲坐取之陽陵泉穴也○從陽陵泉下行足外踝上七寸內斜三陽分肉間陽交穴也○從陽交行外踝上七寸外斜外邱穴也○從外邱下行外踝上五寸光明穴也○從光明下行一寸輔骨前絕骨端內斜三分陽輔穴也○從陽輔下行三寸外踝骨尖內動脈中尋按取之懸鍾穴也○從懸鍾行外踝下斜前陷中邱墟穴也○從邱墟下

行三寸在足小指四指本節後足跗間陷中臨泣
穴也○從臨泣下行五分足小指四指本節後間
陷中地五會穴也○從地五會下行一寸足小指
四指本節前岐骨間陷中俠谿穴也○從俠谿下
行足小指四指外側端去爪甲角如韭葉竅陰穴
也

欽定四庫全書

卷八十三

足厥陰肝臟圖




肝藏經文

經云肝者將軍之官謀慮出焉又云肝居膈下上着脊之九椎下是經常多血少氣其合筋也其榮爪也主藏魂開竅於目其系上絡心肺下亦無竅

難經曰肝重二觔四兩左三葉右四葉凡七葉肝之為藏其治在左其藏在右脅右腎之前並胃着脊之第九椎

肝經循行圖



肝經循行經文

肝足厥陰之脈起於大指聚毛之上上循足跗上廉去
內踝一寸上踝八寸交出太陰之後上膈內廉循股陰
入毛中過陰器抵小腹俠胃屬肝絡膽上貫膈布脅循
喉嚨之後上入頤頰連目系上出額與督脈會於顛其
支者從目系下頰裏環唇內其支者復從肝別貫膈上

注肺

肝經循行歌

歛陰足胝肝所終大指之端毛際叢足跗上廉太衝分
踝前一寸入中封上踝交出太陰後循脰內廉陰股衝
環繞陰器抵小腹俠胃屬肝絡膽逢上貫膈裏布脅肋
俠喉頰頰目繫同胝上顛會督胝出支者還生目系中
下絡頰裏環唇內支者便從膈肺通

註


足厥陰肝經之胝起於足大指聚毛之際大敦行
間穴從行間上循足跗上廉太衝穴從太衝穴去
內踝一寸至於中封穴也從中封穴循行內踝五

寸入於蠡溝穴也從蠡溝上踝七寸中都穴上內
踝八寸交出於足太陰陰經之後上踝內廉膝關
曲泉穴也從曲泉循股陰陰包五里穴入於毛中
之陰廉穴過陰器入抵小腹上行於章門穴從章
門循行期門穴從期門內行俠胃屬肝絡膽上貫
膈布脅肋散布於藏府循喉嚨之後上入頰頰連
目系上額與督脈會於顛也其有一支者不上會
於顛但從目下頰裏環唇內又一支復從肝別貫

膈上注於肺以交於手太陰肺經也

--	--	--	--	--	--	--	--

肝經穴圖



肝經穴歌

足厥陰經一十四大敦行間太衝是中封蠡溝伴中都
膝關曲泉陰包次五里陰廉上急脈章門纔過期門至
肝經分寸歌


大敦足大端外側行間兩指縫中間太衝本節後二寸
中封內踝前一寸蠡溝踝上五寸是中都上行二寸中
膝關犢鼻下二寸曲泉曲膝盡橫紋陰包膝上行四寸
氣衝三寸下五里陰廉氣衝下二寸急脈毛際旁二五

厥陰大絡系臑九章門臍上二旁六期門從章斜行乳直乳二肋端縫已

註大敦穴在足大指端去爪甲後如韭葉許外側聚毛中是其穴也○從大敦上行足大指次指岐骨縫間動脈應手陷中行間穴也○從行間上行二寸許足跗間動脈應手陷中太衝穴也○從太衝上行足內踝前一寸筋裏宛宛中中封穴也○從中封上行內踝上五寸蠡溝穴也○從蠡溝上行

二寸當胛骨中都穴也○從中都上行犢鼻下
二寸旁陷者中膝關穴也○從膝關上行膝內輔
骨下大筋上小筋下陷中屈膝橫紋頭取之曲泉
穴也○從曲泉上行膝上四寸股內廉兩筋間蹠
足取之看膝內側有槽中陰包穴也○從陰包上
行在足陽明胃經之氣衝穴下三寸陰股中動鯀
應手五里穴也○從五里上行羊矢下斜裏三分
直上氣衝下二寸動鯀陷中陰廉穴也○從陰廉

上行陰上中行兩旁相去二寸半按之隱指而堅
甚按則痛引上下此厥陰之大絡為鞏之系急脈
穴也○從急脈上行足太陰脾經之大橫穴外季
肋直臍軟骨端臍上二寸兩旁開六寸側卧取肘
尖盡處章門穴也○從章門上行足陽明胃經之
不容穴旁一寸五分上直乳第二肋端期門穴也



御纂醫宗金鑑卷八十三